

# **РЕФЕРАТ**

**МАВЗУ:СОЦИОЛОГИЯ ФАНИНИНГ ПРЕДМЕТИ,  
ОБЪЕКТИ,ТАРКИБИ.**

## **Мавзу:социология фанининг предмети, объекти, таркиби.**

- Социология фанининг предмети, объекти, таркиби, тузилиши.**
- Социологиянинг тадқиқот усуллари ва услубиёти.**
- Социология ва ижтимоий-гуманитар фанлар.**

**Социология** - лотинча “социатос” - жамият ва юонча “логос” - таълимот, тушунча сўзларининг бирлигидан ташкил топган бўлиб, жамиятнинг динамик ривожланиши ҳақидаги, аникрофи, жамият таркибига кирувчи алоҳида институтлар, тизимлар, гурӯхлар ва улар орасидаги ижтимоий муносабатлар тўғрисидаги фандир.

**Социология** - инсониятнинг бир неча йиллик тарихий тараққиёти давомида яратилган маданиятнинг ажралмас таркибий қисми ҳисобланади.

XVIII асрда кишилик жамияти, унинг қонуниятларини ўрганувчи фан сифатида тарих фалсафаси шаклланди. Ижтимоий ҳаётнинг мураккаблашуви ва илмий билимларнинг табақаланиши социологиянинг фалсафадан ажралиб, мустакил фанга айланишини муқаррар қилиб қўйди. XIX асрдагача социология фалсафанинг таркибий қисми бўлиб келди. XVIII-XIX аср классик фалсафаси ва адабиётининг ижтимоий воқеликка ноилмий муносабати социологиянинг фан сифатида шаклланишини тақозо этди. XIX аср бошларидан у фалсафадан ажралиб чиқиши имконига эга бўлди. Ушбу асрнинг 30-йилларида француз файласуфи Огюст Конт “социология” атамасини фанга киритди. У “Социология” фанининг асосчиси ҳисобланади. О.Конт фикрича социология бир бутун организм ҳисобланган жамият ҳақидаги барча билимларни бирлаштириш ва далилларни изчил ўрганиш орқали унга илмий асос бериши керак.

Шунинг учун ҳам социология ўз олдига қуйидаги вазифаларни қўяди:

- жамиятни бир бутун тизим сифатида ўрганиш;
- жамиятни илмий воситалар ёрдамида ўрганиш;
- ижтимоий муносабатларни ўрганиш.

Демак, социология жамият тўғрисидаги фан бўлиб, ижтимоий муносабатлар уларнинг, амал этиш қонуниятлари ҳамда истиқболларини ўрганади. Айни пайтда социология жамиятдаги меъёрий ва патологик ҳолатларни аниқтайди, натижада инсониятни нохуш ҳолатлар, қийинчиликлардан қутилиш йўлларини кўрсатади. XIX асрда социологияни социал гигиена деб тушунишган.

Социологиянинг жамиятда эгаллаган ўрни қуйидагича:

1. Социологик тафаккур жамиятни яхлит тизим сифатида ўз қонуниятлари ёрдамида фаолият кўрсатиши ва ривожланишини ўрганади,

ижтимоий элементларнинг умумий социал тизимдан мустақил ҳолда ҳаракат қилишини инкор этади.

2. Реал мавжуд ижтимоий муносабатларни конкрет ўрганишни назарий ва амалий жиҳатдан асослайди.

3. Воқеликни ўрганишда амалий усуулларга таянади, илмий-амалий асосланган хуросаларни илгари суради.

Демак, социология жамиятни далилларни таҳлил қилиш ва илмий умумлашмалар орқали эмас, балки мавҳум тарзда ўрганувчи фалсафадан, шунингдек, ижтимоий хулқ-атвор ва ўзаро таъсирнинг типик гурухий эмас, балки индивидуал намоён бўлишида ўрганувчи психологиядан фарқ қиласди.

Бугунги кунда икки хил - академик социология (жамият ҳақидаги умумназарий тизим) ва амалий социология (конкрет ижтимоий воқеа ва далилларни ўрганиш учун илмий аппарат) шаклланди. XX асрнинг иккинчи ярмидан мана шу икки хил социология уйғунлашиб, бирлашиб, айрим олинган ходиса ва жараёнларнинг ривожланишини аниқ далилларни назарий умумлаштириш усули ёрдамида баён этиш назарияси вужудга келди.

АҚШлик социолог Дж. Смелзер ўзининг “Социология” дарслигига “Социология - жамият тўғрисидаги фан” эканлигини таъкидлайди. О.Конт эса социологияни “жамият тўғрисидаги позитив фан”, деб баҳолайди. Француз мутафаккири Э.Дюргейм эса “Социологиянинг предмети - ижтимоий фактлардан иборат” деб билган.

Немис социологи Г.Зиммель таърифича “Социология хусусий ижтимоий фанларнинг билиш назариясидир”. Немис социологи М.Вебер фикрича “Социология ижтимоий хулқ-атвор тўғрисидаги фандир”. У ижтимоий хулқ-атворни инсоний муносабатлардан иборат, деб билган. Инсоний хулқ-атвор эса ижтимоий моҳиятга эга.

Рус социологи П.Сорокин эса ушбу фан предмети - “жамият ёки ижтимоий ходисалардан иборат”, деб хисоблайди. В.Ядов фикрича “Социология жамиятнинг бир бутун организм эканлигини, ижтимоий муносабатларнинг бир бутунлигини ўрганади. Социолог Г.Осипов “Социология” деб номланган ўқув қўлланмасида “Социология ижтимоий тизимларнинг фаолият кўрсатиши ва ривожланиши тўғрисидаги, умумий ва ўзига хос ижтимоий қонун ҳамда қонуниятларнинг шахс, ижтимоий бирликлар, синфлар, ҳалқлар фаолиятида вужудга келиш ва амал қилиш шакллари тўғрисидаги фан”, деб таърифлаган.

Демак, социология инсон ҳаёт фаолияти ёки ижтимоий ташкилотларнинг ҳамкорликдаги шаклларини ўрганувчи ва инсон ҳамжамиятининг ривожланиши ҳамда хулқ-атвори тўғрисидаги фандир.

Хулоса қилиб айтганда, социологиянинг **объекти** унинг нимани ўрганиши керак, деган саволга жавоб берса, **предмети** ўша объектнинг қай жиҳатларини ўрганади, деган саволга жавоб беради. Социологиянинг **объектини** жамиятни бошқарувчи тафаккур қонуниятлари, рационал воситалари ташкил этади.

Социология ижтимоий ҳаёт жараёнларини уч босқичда ўрганади:

- 1) аниқ-эмпирик;
- 2) махсус;
- 3) умумий.

Шунга мувофиқ равишда социология эмпирик, махсус ва умумсоциологик тадқиқот жараёнларини ўз ичига олади.

Социологиянинг вазифаси жамият тараққиётини таъминлайдиган энг қулай вариантларни, ижтимоий маданий моделларини топишдан иборат. Булар жамият ва инсоннинг ўз-ўзини такомиллаштиришга қаратилган қонуниятлардир.

Социологиянинг вазифаси мураккаб ижтимоий дунёни ташкил этувчи ўзаро бирикиб ҳаракат қилувчи тузилма ва механизмлар моҳиятини аниқлашдан ҳамда уларнинг ривожланиш тенденцияларини белгилашдан иборат.

Социологиянинг **тадқиқот предмети** таркибий тузилиш жиҳатидан қўйидагиларни ўз ичига олади:

1. Умумий социология - турли социал тизимларда учраб турадиган ижтимоий ҳаётга оид меъёрларни, бу тизимларнинг яшаш тарзи ва тараққиётининг энг умумий қонуниятларини ўрганади.

2. Махсус социология - ижтимоий фаолиятнинг алоҳида соҳаларини кўп омилли тизим сифатида тадқиқ этади. Махсус социологиянинг бир қанча тармоқлари бор: 1) индустрисал социология; 2) шаҳар социологияси; 3) демографик социологияси ва б.

3. Бевосита эмпирик социологик тадқиқотлар - тадқиқ қилинаётган ходисалар, индивидлар билан бевосита алоқа ва уларнинг ҳаёт фаолиятларидаги фактлар тўплами бўлиб, сўрек, кузатув, эксперимент ва ҳужжатларини ўрганиш усулларини тажриба ёрдамида билишdir.

Социологлар жамиятни икки даражада ўрганади: макро ва микродарражада.

**Микросоциология** - социологияда нисбатан катта бўлмаган ижтимоий тизимлардаги ижтимоий ходисалар ва жараёнларни таҳлил қилишга қаратилган, алоҳида олинган ходисаларнинг микродарражадаги (кичик) жараёнлар билан алоқасини индивидлар, кишилар хулқ-авторини шахслараро ўзаро таъсирда ўрганади.

**Макросоциология** - катта ижтимоий гурухлар ва тизимларни (масалан, жамият, цивилизация ва х., ) жараёнларни, ҳаракатларни ва ходисаларни, шунингдек, гурухлар фаолиятини узоқ муддат давомида ўрганади. Бунда асосий эътибор ҳар қандай жамият моҳиятини тушунишга ёрдам берувчи хулқ-автор моделига қаратилади. Ушбу модель ёки таркиблар оила, таълим, дин, иқтисодий ва асосий тузум каби ижтимоий институтларни ташкил этади. Макросоциология жамият турли қисмлари орасидаги ўзаро алоқа ва уларнинг ўзгариш динамикасини ўрганади.

Социология фани бизга нима беради, деган савол пайдо бўлиши мумкин. Бунга қўйидагича жавоб бера оламиз:

Социология катта амалий аҳамиятга эга. Амалий социал ислоҳотлар бир неча йўналишда боради. Улар, биринчидан, ижтимоий вазиятни тўғри тушуниш, уни назорат қилишга имкон беради; иккинчидан, социология ҳар қандай вазиятда маданий қадриятлар орасидаги тафовутни баҳолашга шароит яратади, бизнинг дунёни маданий қабуллашимизни ўстиради; учинчидан, биз ўзимизнинг муайян сиёсий дастурлар қабул қилиш (қасдан, ўйлаб, ўйламасдан шошма-шошарлик билан) фаолиятимизга баҳо бера оламиз; тўртинчидан социология инсоннинг ўз-ўзини билишига, ўрганишига ёрдам беради, индивидлар ва гурухларга ўз яшаш шароитларини ўзгартиришга имкон яратади.

Маълумки, усул билимга эришиш, информация олиш ва воқеликни тубдан ўзгартириш воситаси, мақсадга эришиш йўли, муайян тарзда тартибга солинган фаолият ҳисобланади. Усул билиш воситаси сифатида ўрганилаётган объекти тафаккурда қайта ҳосил қиласди.

Ижтимоий реаллик ҳақида маълумот олиш усули охир оқибатда инсоннинг дунёқараши, фикри, баҳолари билан, кўпинча, “ёши”, “даромади”, “оилавий шароити”, “касби” билан боғлиқ бўлади. Шунинг учун ҳам социологик билиш тадқиқот “объекти”нинг субъективлигини, тадқиқотчининг объекти таҳлил қилишдаги объективлигини ҳам эътиборга олади. Социологияда объективлик ва субъективликнинг ўзаро боғлиқлиги ўзига хос характерга эга, яъни, билиш жамиятни таҳлил қилиш даражасига, турли соҳа хусусиятларига, ички ва ташқи воқеалар, кузатилаётган ва кузатилмаётган жараёнларга” боғлиқ.

Услубиёт муайян фанда тадбиқ этиладиган тадқиқот усулларининг мажмуудир. Социологик билишнинг ҳар қандай даражасида тадқиқотнинг ўз услубиёти мавжуд. **Эмпирик даражада** тадқиқ этилаётган социал воқелик тўғрисида аниқ ҳаққоний маълумот олиш мақсадида мантиқан изчил бўлган усулларни, услубий ва ташкилий-техник ишларни ўзида ифода этган социологик тадқиқотлар ўтказилади.

**Назарий даражада** социологлар социал реалликни бир бутунлик - жамиятни тизим сифатида, ёки инсонни ижтимоий хатти-ҳаракат субъекти сифатида тушунадилар.

**Назарий усуллар.** Социологияда структур-функционал усул катта аҳамият касб этади. Ушбу усул нуқтаи назаридан жамият барқарорликка эга бўлган функционал тизим сифатида қаралади. Бу барқарорлик қайта ишлаб чиқаришни қўллаб-қувватлаш ҳисобига таъминланади. Структур функционал муносабат социал тизимлар-функционал фаолиятнинг умумий, универсал қонуниятларини ўрнатишга имкон беради. Хар қандай ижтимоий институт ёки ташкилот – давлат, партия, касаба уюшмаси кабилар тизим сифатида қаралиши мумкин.

Структур функционал муносабат қўйидаги хусусиятларга эга:

- ижтимоий структуранинг фаолият кўрсатиши ва қайта ишлаб чиқариши билан боғлиқ муаммолар кишининг диққат марказида бўлади;
- структура ҳар томонлама интеграциялашган ва уйғунлашган тизим сифатида тушунилади;
- ижтимоий институтлар функцияси интеграцияга муносабат ёки ижтимоий структуранинг мувозанатига қўра белгиланади;
- социал структура динамикаси “консенсус принципи” - ижтимоий мувозанатининг сақланиши принципидан келиб чиқиб изоҳланади.

**Қиёсий усул** ижтимоий хулқ-атвор намоён бўлишининг умумий қонуниятларига таянади, чунки турли халқларнинг ижтимоий ҳаёт, маданият, сиёсий тизимида умумий томонлар кўп. Қиёсий усул бир турдаги ижтимоий воқелик, яъни, ижтимоий структура, давлат тузилиши, оила шакли, ҳокимият, анъаналар ва бошқаларни солишириб, таққослаб кўради. Қиёсий усулни қўллаш тадқиқот доирасини кенгайтиради, бошқа мамлакат ва халқлар тажрибасидан фойдаланишга имкон беради.

Социологик тадқиқот усуллари сифатида қўйидагиларни келтириш мумкин:

- 1) гипотезани илгари суриш ва текшириш;
- 2) ахборотни таҳлил қилиш;
- 3) социологик сўров;

#### 4) социологик кузатиш ва эксперимент.

**Гипотезани илгари суриш ва текшириш.** Социологик тадқиқотда гипотеза бу ижтимоий обьектлар структураси, шу обьектни ташкил этган элементлар ва алоқалар характеристи, улар фаолияти ҳамда ривожланишининг механизми тўғрисида асосли илмий тахминдир.

Илмий гипотеза тадқиқот обьектини олдиндан таҳлил қилиш натижасидагина шакилланади.

Гипотезанинг тўғри ёки нотўғрилигини белгилаш жараёни социологик тадқиқот пайтида уни текшириш ва эмпирик асослаш жараёни ҳисобланади. Гипотезани бундай текшириш натижасида назариялар тасдиқланади ёки инкор қилинади.

**Ахборотни таҳлил қилиш.** Социологга керак бўлган ахборот авваллари бирор жойда тартибсиз ёки бир тизимга солинган шаклда хужжат тарзида қайд этилган бўлиши мумкин. Шунинг учун тадқиқодчилар хужжатларни таҳлил этишнинг қўйидаги усусларидан фойдаланадилар:

- 1) Хужжатларнинг сифат таҳлили (“Муаммоли” қидирув, тематик умумлашув);
- 2) Хужжатларнинг миқдорий таҳлили (контент-анализ).

Тадқиқотчи ўз манфаатлари ва қўйилган вазифанинг йўналишига боғлиқ равишда расмий ахборотни - хужжатлар, далиллар, расмий статистика ва бошқаларни таҳлил қиласи, кейин экспертлар, респондентларнинг субъектив баҳо ҳамда фикрларини ўрганиб, уларни тўлдиради.

**Социологик сўров.** Дастраси ахборот олишнинг энг кенг тарқалган усули сўров ҳисобланади. Унинг ёрдамида барча социологик маълумотларнинг 90%и олинади. Сўров ҳар доим бевосита иштирокчига мурожаатни тақозо этади ва тўғридан-тўғри тузатиш қийин бўлган жараёнда қаратиласи. Шунинг учун ҳам сўров маълум бир шароитда, вазиятга бегона кўздан четда бўладиган ижтимоий, жамоа ва шахсий муносабатларни ўрганишда катта аҳамиятга эга.

Ёппасига сўров ўтказиш аниқ маълумот беради. Танлов асосида сўров ўтказиш тежамли бўлса ҳам маълумотлар нисбатан ноаникроқ бўлади. Агар барча аҳоли ёки унинг ўрганилаётган бир қисми асосий ва умумий мажмӯй деб олинса, танлов асосида сўров ўтказиладиганлар унинг аниқ, кичрайтирилган нусхасидир. Бунда хато ёки фарқ бир неча фоиздан ошмайди.

Демак, танлаб олинган мажмұғ асосий тадқиқот обьектининг аниқ нусхаси бўлиши керак. Оригиналдан четга оғиш репрезентативлик хатоси дейилади. Репрезентативлик хатоси жуда катта бўлмаслиги лозим, акс ҳолда социолог тадқиқот натижаларини эълон қилмаслиги керак бўлади. Репрезентация қилиш танлаб олинган (гурух, элемент)лар ёрдамида асосий ва умумий мажмұйини аниқ акс эттириши талаб этилади. Математик статистика социологларни бу борада энг замонавий усуллар билан қуроллантириди. Бу ерда муҳим нарса шуки, социолог ким асосий мажмұйининг типик намояндаси ҳисобланишини аниқлаш ва барча одамлар танлов гурухига тушиш имконига эга бўлишига эришиши лозим. Ким сўров қилинишини тасодиф ва математика ҳал қиласи.

Танлов асосида тадқиқот ўтказиш социологиянинг анкета сўрови, интервью, кузатиш, эксперимент, хужжатлар таҳлили каби усулларининг асосини ташкил этади.

Социологик сўровнинг қуйидаги кўринишлари мавжуд:

- анкета тўлдириш;
- интервью.

Анкета тўлдиришда сўроқ қилинувчи саволномани тўлдиради. Бу усул ўз шаклига кўра индивидуал ёки гурухий бўлиши мумкин.

**Социологик кузатиш ва эксперимент.** Тадқиқот обьектини кузатиш хужжатли маълумотларни йиғиши шаклидагина эмас, маҳсус визуал маросим (процедура) шаклида ҳам бўлиши мумкин. У ижтимоий фактни амалга ошириш моментида малакали қайд этиш имкониятини беради, жараённинг ўзига хос нозик томонларини эътиборга олади. Бевосита кузатиш кузатувчининг обьект билан алоқа қилиш даражасига кўра фарқланади.

Ўрганилаётган вазиятнинг кузатувчиси ролига қараб, кузатишнинг 4 турини ажратиб кўрсатиш мумкин:

- 1) кузатувчининг вазиятда тўла иштирок этиши;
- 2) вазият иштирокчиси кузатувчи сифатида намоён бўлади;
- 3) кузатувчи иштирокчи сифатида фаолият кўрсатади;
- 4) кузатувчи жараёнда иштирок этмайди.

Вазиятда тўла иштирок этиш кузатувчини гурухнинг тўла аъзоси сифатида бўлишини тақазо этади. Бунда кузатувчининг ролини гуруҳ аъзолари билмайди. Бунга ғрқин мисол сифатида Г.Вамберининг Ўрта Осиёга сағҳати, У.Уайтнинг итальян эммигрантлари ҳаётини ўрганиш учун З йил улар билан яшагани каби далилларни келтиришимиз мумкин. Ушбу усул қатор хусусиятларга эга: тадқиқотнинг биринчи босқичида муаммо қўйилади,

тадқиқот гипотезаси илгари сурилади, натижалар якунланади. Тадқиқот обьекти ҳаётига кириб бориш натижасида кузатувчи субъективизмга берилиши мумкин, оқибатда воқеаларга баҳо беришда симпатия ёки антипатия ҳам маълум роль ўйнайди.

Очиқдан-очик кузатиш яширинча кузатишдан кўра қатор афзаликларга эга: кузатувчи тадқиқот вазиятига осонлик билан киради; кузатилаётган колектив кузатувчига тез мослашади, ижобий муносабат пайдо бўлганда унга маълумот йиғишда ёрдам ҳам беради.

Эксперимент ижтимоий билишда ўзига хос ҳолда амалга оширилади, чунки инсон, унинг руҳияти устида, шунингдек, жамият ҳаётида кенг миқғсда эксперимент қилиш мумкин эмас. Шундай бўлса-да, меҳнат социологияси доирасида у тез-тез учраб туради, бунда фактлар, ўзгаришлар қиёсланади.

Ижтимоий ҳаёт масалаларини ўрганиш доираси кенгайиб борар экан, социология фанининг ўрганиш обьекти ҳам кенгайиб, чукурлашиб бормоқда. Социологиянинг кейинги йилларда “Фанлар социологияси”, “Маданият социологияси”, “Бошқарув социологияси” каби соҳалари шаклланди. Бозор муносабатлари таркиб топа бориши билан социологиянинг иқтисодиёт, фалсафа, хуқуқ фанлари, этика, психология, педагогика, тарих, экология каби фанлар билан алоқадорлиги ортиб бормоқда.

Социологиянинг **иқтисодиёт фанлари** каби алоқадорлиги моддий неъматларни ишлаб чиқариш, тақсимот, айирбошлиш, истеъмол жараёнларини ўрганишда кўринади. Иқтисодиёт социологияси иқтисодий таъсирни ижтимоий таъсир шакли сифатида ўрганади. Иқтисодиёт социологияси иқтисодиёт фанлари билан боғлиқ бўлиб, ишлаб чиқариш жараёнида бўладиган муносабатларни ўрганади. Иқтисодий назариянинг илмий ғоялари иқтисодий социология учун услугуб асос бўлиб хизмат қиласиди.

Социология фани **фалсафа** билан ҳам узвий боғлиқ. Фалсафанинг қонун ва категориялари бевосита умумсоциологик назария ва концепцияларни ўз ичига олади, ҳамда социологик назариялар учун назарий ва методологик асос бўлади. Умумсоциологик ва маҳсус социологик назарияларнинг ривожланиши ўз навбатида муайян даврдаги ижтимоий фикрларни шакллантиради, унга назарий ва амалий манба бўлиб хизмат қиласиди. Социологик тадқиқотлар эмпирик маълумотлар ёрдамида ижтимоий тараққиётни чукур таҳлил қилишга ёрдам беради.

**Психология** ҳам социология каби инсон фаолиятини ўрганади, факат психология айrim индивид фаолиятига эътибор беради. Социал психология эса ҳам социология, ҳам психологиянинг бир қисми сифатида индивиднинг

гурухдаги фаолиятини ўрганади. Унинг марказий тушунчаси бўлган “Мен” инсон гурухининг ижтимоийлашган шахсини англатади.

**Сиёсий фан** инсоннинг ўз-ўзини қандай бошқаришини тадқиқ этади. У расмий сиёсий ташкилотлар ва унда шаклланадиган сиёсий хатти-ҳаракатлар, шунингдек, ҳокимият фалсафаси, жамиятнинг ижтимоий структурасини ўрганади. Социология сиёсатшунослик учун жамиятда мавжуд бўлган группалар ўртасидаги муносабатларга доир кўплаб маълумотларни тўплайди.

Социология ва **тарих** фанлари жамият ҳаётини тадқиқ этишга изчил ёндошади. Тарихчи факат ишонарли маълумотларни танлар экан, у ўтмиш хулқ-атвор ва ноғб воқеалар билан иш кўради. Тарихий фактларни тўплашда тарихчи социология усулларидан ҳам кенг фойдаланади.

Шундай қилиб, хусусий ва умумий социологик фанлардан иборат бўлган замонавий социология барча ижтимоий фанлар билан боғлиқ. Социология ижтимоий гуманитар фанлар иерархиясида энг юқори босқични эгаллайди. Фалсафа ва тарих билан биргаликда, у ижтимоий фанлар тизимининг умумуслубий негизини шакллантиради.